



Broj: 04-16-4-1497-8/15
Sarajevo, 09.04.2015.godine

Na osnovu člana 69 stav (2) tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), a u skladu sa preporukom Komisije za javne nabavke u Zapisniku o poništenju postupka nabavke, broj: 13.5-16-4-1498-2/14 od 08.04.2015.godine, ministar pravde Bosne i Hercegovine,
d o n o s i

O D L U K U
o poništenju postupka javne nabavke

- (1) Poništava se postupak javne nabavke dnevne i sedmične štampe u skladu sa članom 69. stav (2) tačka d) Zakona o javnim nabavkama Bosne i Hercegovine, jer nijedna od primljenih ponuda nije prihvatljiva.
- (2) Za izvršenje ove odluke zadužuje se Odsjek za finansijsko-materijalne poslove i javne nabavke.
- (3) Ova odluka će se objaviti na web stranici Ministarstva pravde Bosne i Hercegovine istovremeno s upućivanjem ponuđačima koji su učestvovali u postupku javne nabavke.
- (4) Odluka stupa na snagu danom donošenja.

O b r a z l o ž e n j e

Nakon provedenog konkurentskog zahtjeva za prikupljanje ponuda za nabavku dnevne i sedmične štampe, broj: 04-16-4-1497-1/15, Ministarstvo pravde Bosne i Hercegovine je donijelo Odluku broj: 04-16-4-1497-5/15 od 25.03.2015.godine o dodjeli ugovora ponuđaču “IPRESS“ d.o.o. ulica Fra Dominika Mandića bb, Široki Brijeg, kao jedinu prihvatljivu.

U Aneksu 2 predmetnog konkurentskog zahtjeva predviđeno je da je odabrani ponuđač dužan ukoliko bude odabran, u roku od pet dana od primitka obavještenja o rezultatima, dostaviti original ili ovjerenu kopiju Uvjerenja izdatog od strane ovlaštenog organa u BiH ili u bilo kojoj drugoj zemlji, ne starije od tri mjeseca od momenta prijema ponude, u cilju dokazivanja da je ispunio obaveze u vezi s plaćanjem direktnih poreza u skladu sa relevantnim zakonskim odredbama u Bosni i Hercegovini ili zemlji u kojoj je registriran. Odabrani ponuđač je putem e-maila dostavio kopiju Uvjerenja broj: 13-8/1-15-4-1-294/15 od 03.04.2015.godine da nema duga po osnovu javnih prihoda, tj. o plaćenim direktnim porezima, navodeći da će originalni dokument dostaviti odmah po traženju od strane ugovornog organa ako isti bude odgovarao. Kako je 23.03.2015.godine bio krajnji rok za prijem ponuda u predmetnom postupku nabavke, ovaj datum je bio krajnji datum na koji je uvjerenje trebalo da glasi. S obzirom da je datum dostavljenog uvjerenje poslije roka predviđenog konkurentskim zahtjevom, Komisija za javne nabavke je dostavljenu Ponudu ocijenila kao nepotpunu, jer ne ispunjava zahtjeve iz tenderske dokumentacije, u skladu sa članom 68. stav (1) i (4) tačka i) Zakona o javnim nabavkama BiH, kojim je definirano da ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog zakona.

Članom 69. stav (2) tačka d) Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14) propisano je da je ugovorni organ obavezan poništiti postupak javne nabavke ukoliko nijedna od primljenih ponuda nije prihvatljiva.

Shodno naprijed navedenom, Komisija je donijela odluku da odbaci ponudu ponuđača „IPRESS“ d.o.o., ulica Fra Dominika Mandića bb, Široki Brijeg i preporučila ministru pravde Bosne i Hercegovine, da donese Odluku o poništenju postupka nabavke dnevne i sedmične štampe.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti prigovor ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio odluku, odnosno obavještenje o rezultatima.



Dostaviti:

- Odsjek za finansijsko-materijalne poslove i javne nabavke,
- „IPRESS“ d.o.o. ulica Fra Dominika Mandića bb, 88220 Široki Brijeg,
- „CENTROPRES“ d.o.o. Ulica Hase bb, 76300 Bijeljina
- a/a.